

謝伯陽 編纂

全明散曲

(增補版)

(三)

齊魯書社

謝伯陽 編纂

全明散曲

(增補版)

(三)

任中塘敬題



齊魯書社

王宗正

王宗正，號海月。生平不詳。

小令

【北雙調清江引】

次前韻

功名古來卑晏管。何似投閒散。休誇齊二桃。請看周三飯。博南山人同我懶。
（陶情樂府）

案：此乃和楊升庵清江引和康對山「人間榮華無主管」一曲而作。

陸世明

陸世明，南直隸長洲（今蘇州）人。陸世浚同宗。約正德、嘉靖年間在世。

小令

【南黃鍾點絳唇】

三尺冰弦。夜深彈破。青天竅。意中人杳。只有青光到。
〔前腔換頭〕雲雨無緣。總是相思調。愁懷抱。嫦娥心照。訴與他知道。（堯山堂外紀）

周瑞

周瑞，字秋汀，南直隸（今江蘇）崑山人。工散曲，曲品云：「周家郎顧誤名高。」生卒年不詳，約嘉靖中前後在世。

套數

春 閨白雪齋改本

【南仙呂二犯傍粧臺】〔傍粧臺頭〕景淒涼。畫眉人去深院鎖垂楊。花影亂闌干上。蝶翅舞砌臺傍。〔八聲甘州〕歡娛自古嫌春短。寂寞須知怯漏長。〔皂羅袍〕琴絃難整。釵頭倦粧。〔傍粧臺尾〕慇懃不覺減容光。

【前腔換頭】無明無夜費思量。小窗寂靜空鎖綉鴛鴦。雲顰鬢因愁重。珠迸眼爲春傷。茶蘼架底曾携手。芍藥亭前記舉觴。長辰虛度。牽衣掛裳。幾回魂夢赴高唐。

【不是路】竚立西廂。俛首無言欲斷腸。空惆悵。音書不寄兩三行。暗心傷。語惺惺。空憶臨歧謊。熱簌簌分開雙鳳凰。誰承望。經年冷落銷金帳。共誰說向。共誰說向。

【掉角兒序】損香肌藥宜甚方。消紅頰成何模樣。對蒼天暗祝歸期。卜金錢卦成無妄。莫不是殢天涯。淹旅邸。貪新愛。落在誰傍。從他別後。巫山渺茫。想那人何時得至。慰我愁腸。

【前腔】下羅幃慵臨象牀。空繡被寒侵斗帳。困騰騰夢中見他。急煎煎鷄聲頻唱。想只是夙緣慳。孤辰犯。合分離。雲迷煙障。相思萬種。牽纏怎當。歎光陰愁中蕭瑟。病裏郎當。

【尾聲】倚朱樓。空凝望。何處覓天涯浪蕩。總有音書憑誰遠寄將。（吳騷合編）

複出

小令

【南商調黃鶯兒】

美人洗浴

衣褪半含羞。

南宮詞紀、吳歛萃雅、南音三籟題作「美人洗浴」，彩筆情辭題作「贈妓新浴」，南詞韻選無題，俱注周秋汀撰。惟已見伯虎雜曲，此不重出。

套數

春閨

【北雙調新水令】碧桃花外一聲鐘。

吳騷合編題作「春閨」，注周秋汀作。梨雲寄傲、詞諶、詞林摘艷、群音類選、南北詞廣韻選、北宮詞紀俱注陳大聲撰。茲已輯於陳鐸卷中，不重錄。

張恒純

張恒純，字隱君，號文臺，南直隸（今江蘇）崑山人。生平不詳，約嘉靖二十年（一五四一）前後在世。工散曲，曲品云：「張隱君浮白采直。」

小令

【南商調集賢賓】

丹陽道中

天寒夜寂歸雁早。砧聲何處頻敲。風動林梢驚宿鳥。猛飛去餘枝空裊。江村靜悄。
正淡月疎星斜照。〔合〕鄉思繞。途路裏歸心如搗。〔南宮詞紀〕
關山月落天漸曉。寒鷄野店聲高。客夢驚回情未了。聽水外行舟吟嘯。晨光尚渺。
兩岸上疎林烟罩。〔合前〕〔南宮詞紀〕

按：吳歛萃雅、南詞韻選亦錄。韻選無題，萃雅題同詞紀。

鄭若庸

鄭若庸，字中伯，又作仲伯，號虛舟，別稱蜚蜚生、虛舟山人，南直隸（今江蘇）崑山人。屢試不第。嘉靖初，受趙康王朱厚煜聘入鄴，凡二十年，編成類雋一千卷。嘉靖三十九年（一五六〇）趙王歿，移居山西清源。一生殫精詞曲，尤工詩文，詩與謝榛齊名。有虛舟詞餘一卷，蜚蜚集八卷，北遊漫稿二卷及唐類函、虛舟尺牘等。所作傳奇有玉玦記、大節記、珠球記三種，今存玉玦記一種。弘治三年（一四八九）生，萬曆五年（一五七七）卒，年八十九。

套數

遣懷三

【南商調金梧桐】香醪爲解愁。酒醒愁依舊。斜月殘燈。正是愁時候。愁憑酒破除。酒被愁迤逗。酒力無多。酒去愁還又。愁深酒薄難禁受。

【東甌令】花凝恨。柳含羞。花柳傷春人病酒。鶯啼燕語清明候。全不管人憔悴。殘

雲剩雨兩悠悠。遮斷晚粧樓。

【大聖樂】桃源洞花事都收。許劉郎重到否。啼痕濕透春衫袖。傷白傅惱江州。我這裡瑤琴罷却求鸞奏。恰正是紅葉誰人寄御溝。陽臺夢杳。苦追踪問跡。似無還有。

【解三酲】忘不了共携纖手。忘不了東園秉燭遊。忘不了同心帶結鴛鴦扣。忘不了羅襪雙鉤。忘不了香囊雜彩親挑繡。忘不了百寶珍珠絡臂鞦。閒窮究。把嬌歡美愛。盡付東流。

【尾聲】好姻緣還成就。繡幃錦帳共綢繆。月底新詩再和酬。（詞餘）

四時閨怨三

【南商調黃鶯兒】彈指怨東君。好直恁辜負人。曉粧羞對菱花鏡。花枝懶簪。脂粉懶勻。暗將心事占天問。（合）冷清清。一春過了。爭得見意中人。

【前腔】無語倚閑庭。不由人不動情。花間粉蝶相隨趁。鶯啼幾聲。鵲啼數聲。晚風吹落紅成陣。（合前）

【六么憶多嬌】鴛鴦睡濃。芰荷香送薰風。懶將紈扇掩酥胸。試把窻兒推起。只見花影重。好景難逢。好景難逢。又見榴花照眼紅。

【前腔】簾垂幾重。怎不遮攔愁人芳容。縱有美酒泛金鍾。少箇人兒共飲。教我愁轉濃。好景難逢。好景難逢。又見荷花映水紅。

【雁過燈犯】秋風早入庭幃。又見梧葉乍飛。薄情人杳沒音書寄。淚彈點滴如珠。闌干悶倚。捱幾箇黃昏滋味。〔合〕悵望人千里。伊怎知。又聽得樓頭上嘹嘹嚶嚶數聲雁兒。

【前腔】登高負却佳期。羞覩黃菊紫萸。劣冤家戀酒迷花底。知他還共別的。尋龜買卜。他許我綢繆佳配。〔合前〕

【琥珀貓兒墜】幾回猛省。發願和你斷相思。不覺腰肢減帶圍。沉吟半晌心轉癡。只落得背地裡長吁氣。〔合〕瘦損呵情人在那裡。瘦損呵黃花怎比。

【前腔】晚風吹雨。翻作六花飛。江上漁翁罷釣歸。寒威透入銷金帳裡。天天怎教奴獨睡。〔合前〕

【尾聲】絮飄綿。荷出水。桂花零落雪花飛。盼殺多才不見歸。〔詞餘〕

南北雙調合套

阻 歡

【珍珠馬南】簫聲喚起瑤臺月。獨倚欄杆情慘切。此恨和誰說。正值那黃昏時節。花飛也。一點點似離人淚血。

【新水令北】離人點點淚流血。倚欄杆悶懷淒切。多情難割捨。無語自傷嗟。暗想當年。暗想當年。羅帕上曾把新詩寫。

【步步嬌南】暗想當年羅帕上曾把新詩寫。偷縮着同心結。心猿乖意馬劣。都將軟玉溫香。翠擁紅遮。琴瑟正和協。不覺花影轉過梧桐月。

【雁兒落北】不覺的梧桐月轉過西。銀臺上昏昏慘慘燈將滅。怎禁他紗窗外鐵馬兒敲。這些時一團嬌香肌瘦怯。

【沉醉東風南】一團嬌香肌瘦怯。半含羞粉容輕貼。微咲對人悄說。休忘了今夜。等閒間將海棠開徹。把山盟共設。不許片時棄撇。若有個負心的教他隨燈兒便滅。

【得勝令北】呀。若有個負心的教他隨燈滅。慘可可山盟海誓對誰說。海神廟現放着

勾魂帖。那神靈仔細寫。你休要心斜。非是俺難割捨。你休要癡呆。他殷勤將春心漏泄。

【忒忒令南】他殷勤將春心漏泄。我風流迷了寸腸中熱。因此上楚雲深鎖黃金闕。休把後期頓撇。湘江竭。燕山截。斷魚封雁帖。

【沽美酒北】湘江竭燕山截。湘江竭燕山截。他一去了信音絕。想着他負德辜恩倒將謊話說。眼見得花殘月缺。自別來甚時節。自別來甚時節。

【好姐姐南】自別。逢時遇節。冷淡了風花雪月。奈柔腸萬結。怎禁窗外鐵。無休歇。一似珮環搖明月。又被西風將錦帳揭。

【七弟兄北】又被西風將錦帳揭。倚圍屏情慘切。這些時信斷恩絕。眼中流血。心內刀割。淚痕千疊。因此上渭城人肌膚瘦怯。

【嘉慶子南】渭城人肌膚瘦怯。楚天秋難禁病疊。停勒了畫眉郎京尹。停勒了畫眉郎京尹。補填了河陽令滿缺。

【梅花酒北】補填了河陽令滿缺。一片似火燒也。心間事與誰說。好教我行眠立盹無明夜。今日個吹簫無伴彩雲遮。聞箏的月下疎狂劣。呀。畫眉郎手脚拙。竊玉的性情別。把歡娛成歎嗟。

【荳葉黃南】嘆嗟。懽娛事能幾些。痛切。相思病無了絕。朋友們知疼熱。負心的早回寧貼。待捨。想着你至誠心。教我怎生樣捨。待撇。想着你嬌模樣。教我怎生樣撇。

【脫布衫北】想着你至誠心。教我怎生樣撇。空守着如年夜。枉擔了雪月風花。也傷我連枝帶葉。

【園林好南】也傷我連枝帶葉。勾引得狂蜂浪蝶。鬧炒起歌臺舞榭。回首處楚雲遮。堪歎處水痕賒。

【倘秀才北】堪歎處水痕賒。何日裏共歡悅。當初指望。美滿前程。到如今翻成吳越。

【川撥棹南】成吳越。怎禁他巧言搬鬪諛。平白地送暖偷寒。平白地送暖偷寒。猛可地搬唇弄舌。水晶丸不住撇。蘸鋼鋏一謎撇。

【川撥棹北】他將那蘸鋼鋏一謎撇。劈鉛刀在手中撇。打撈起塊丹楓葉。鴛鴦被半牀歇。蝴蝶夢冷些些。破香囊覆成血。楚館焚。秦樓拽。

【錦衣香南】他將楚館焚。秦樓拽。洛浦填。涇河竭。梅家莊水罐湯瓶。打爲磁屑。賈充宅守粉牆缺。武陵溪潤。把花兒釘了椿樞。楚襄王夢驚蝴蝶。漢相如趕翻車轍。

緊閉芙蓉闕。紫簫吹裂。碧桃花下。鳳凰把翎毛生扯。

【收江南北】呀。你敢在碧桃花下將鳳毛扯。人生最苦是離別。山長水遠路途賒。何年上是徹。響叮噹菱花鏡碎玉簪折。

【漿水令南】響叮噹將菱花鏡碎跌。側楞箏把冰絃斷絕。挖支支將同心帶扯。咕叮噹將寶簪墜折。採蓮人偏把並頭折。比目魚就池中將水車竭。連枝樹。生砍折。打撈起御水流紅葉。藍橋下。翻滾滾。波濤捲雪。祆神廟。焰騰騰。火走金蛇。

【尾聲南】饒君總把機謀設。怎禁那負心薄劣。一一向夢兒中對他分說。（詞餘）

春 閨

【南仙呂人雙調沉醉東風】海棠花開還未開。倦停鍼繡窗閒待。花睡去冷閒階。教人憐愛。須避却妬花風霾。把門兒謾開。不許蜚蜂參拜。若等得着那負心的便隨着進來。

【忒忒令】盼得個春風滿街。好花枝没人簪戴。對花無語。空立遍蒼苔。擔害得人無賴。愁無奈。恨無端。磨穿了繡鞋。

【品令】相思默默。沒個好安排。脂憔粉悴。也是命合該。匆匆話別。不見尺書來。

何處遨遊。忘却故園歡愛。驀地思量。推不出冤家在我懷。

【豆葉黃】我忘餐廢寢。日夕難挨。總然我骨瘦如柴。也燒不過愁城高大。這些冤債。何時擺劃。除非是那兒兒相見。除非是那兒兒相見。和息了相思。勾銷紙牌。

【玉交枝】他毒如蜂蠆。戀花心花還受災。芳心從此被伊家賣。說甚麼有地重栽。桃源洞口信已乖。武陵溪上春難再。頓忘却雙頭鳳鞋。頓忘却同心鴛帶。

【月上海棠】鸞鏡臺。何時得揭香羅蓋。並雙肩同照。玉樹花腮。搵滅了秋水啼痕。重掃個春山眉黛。身通泰。這姻緣除非是。夢裏和諧。

【江兒水】見月頻生怪。因花更自猜。一春無事爲相思害。千般消遣心難解。萬椿擺脫情難懈。除是鴻門樊噲。打破愁關。提出了淒涼法界。

【川撥棹】情忒歹。沒音書三四載。全不記那日書齋。全不記那日書齋。曾道遇鱗鴻足書繫帛。到如今呆打孩。筆無情手懶擡。

【尾聲】香肌瘦得容如菜。病久空教尋艾。只落得怨瑟愁琴付鴻雁哀。（吳騷合編）

複出

套數

夜思

【南商調山坡羊】風兒疎喇喇吹動。

吳歛萃雅、詞林逸響、古今奏雅題作「夜思」，注鄭虛舟作。月香亭稿、秋碧樂府、群音類選、南宮詞紀、吳騷二集、吳騷合編、南詞韻選、南音三籟、南詞新譜俱屬陳大聲。茲已輯於陳鐸卷中，不重出。

閨情

【南南呂梁州小序】幽香新染。

吳歛萃雅、詞林逸響、南音三籟、古今奏雅題作「春閨憶別」，注鄭虛舟撰。群音類選、昔鹽、樂府爭奇不注作者。新編南九宮詞注「舊詞」。吳騷集、樂府先春俱署祝枝山。未知孰是，茲姑輯於祝氏卷中，此不重錄。